



2019 йил “ 19 ” март № 47 « ___ » _____ 2019 года

**“Йилнинг энг яхши тарбиячиси” касбий кўрик танловини ўтказиш
тўғрисидаги Низомни тасдиқлаш ҳақида**

Ўзбекистон Республикаси Президентининг 2018 йил 30 сентябрдаги “Мақтабгача таълим тизимини бошқаришни такомиллаштириш чора-тадбирлари тўғрисида”ги ПҚ-3955-сон қарори, Ўзбекистон Республикаси Президентининг 2018 йил 28 февралдаги “Давлат мактабгача таълим муассасалари ходимларининг айрим тоифалари меҳнатига ҳақ тўлашни такомиллаштириш чора-тадбирлари тўғрисида” ги ПҚ-3571 –сон қарори, Ўзбекистон Республикаси Вазирлар Маҳкамасининг 2017 йил 20 июндаги “Олий таълим муассасаларига ўқишга қабул қилиш, талабалар ўқишини кўчириш, қайта тиклаш ва ўқишдан четлаштириш тартиби тўғрисидаги низомларни тасдиқлаш ҳақида”ги 393-сонли қарори, “Ўзбекистон Республикасининг Илк ва мактабгача ёшдаги болалар ривожлантиришга қўйиладиган Давлат талабларини тасдиқлаш ҳақида”ги Мактабгача таълим вазирлигининг 2018 йил 18 июндаги 1-мқ-сон буйруғи ижросини таъминлаш ҳамда Мактабгача таълим муассасалари педагог ходимларининг инновацион фаолиятини қўллаб қувватлаш, илғор педагогик тажрибаларни оммалаштириш, таълим-тарбия жараёнига “Илк қадам” мактабгача таълим муассасалари ёшдаги болаларни ривожланишига қўйиладиган давлат талаблари асосида янги педагогик технологияларни жорий этиш, мактабгача таълим тизимида фаолият юритиб келаётган ижодкор ва иқтидорли педагогларни рағбатлантириш мақсадида,

БУЮРАМАН:

1. “Йилнинг энг яхши тарбиячиси” касбий кўрик танловини ўтказиш тўғрисидаги Низом 1-иловага;

“Йилнинг энг яхши тарбиячиси” касбий кўрик танловини ўтказиш бўйича ташкилий қўмита таркиби 2-иловага мувофиқ тасдиқлансин.

2. Қорақалпоғистон Республикаси Мактабгача таълим вазири, Тошкент шаҳар ва вилоят мактабгача таълим бошқармалари бошлиқларига:

“Йилнинг энг яхши тарбиячиси” касбий кўрик танловини босқичма-босқич, тасдиқланган Низом асосида ўтказиш ва ғолибларнинг Республика босқичига иштироки таъминлансин.

3. Педагогик кадрлар сифатини ошириш бошқармаси (Қ.Олимов) ва Кадрлар бошқармаси (А.Юсупов)ларга:



“Йилнинг энг яхши тарбиячиси” касбий кўрик танловининг ғолибларини Олий таълим муассасаларининг “Мақтабгача таълим” таълим

йўналишига белгиланган имтиёзлар асосида киришлари учун ўрнатилган тартибда ҳужжатларни расмийлаштириш ишлари таъминлансин.

4. Матбуот хизмати (Д.Ахмедова) “Йилнинг энг яхши тарбиячиси” касбий кўрик танловининг ҳар бир босқичини оммавий ахборот воситалари ва вазирликнинг расмий веб сайтида кенг ёритилиши таъминлансин.

5. Назорат-таҳлил бошқармаси (Л. Бердиева) 3 кун муддатда мазкур буйруқни Қорақалпоғистон Республикаси Мактабгача таълим вазирлиги, Тошкент шаҳар бош бошқармаси ва вилоятлар мактабгача таълим бошқармаларига етказилишини таъминлаш вазифаси юклатилсин.

6. Мазкур буйруқ ижросини назорат қилиш Мактабгача таълим вазирининг биринчи ўринбосари С.Турғунов зиммасига юклатилсин.

Вазир  

А.Шин

Ўзбекистон Республикаси
Мақтабгача таълим вазирлигининг
2019 йил “19” март даги
44 -сонли буйруғига 1-илова

“ЙИЛНИНГ ЭНГ ЯХШИ ТАРБИЯЧИСИ” КАСБИЙ КЎРИК ТАНЛОВИНИ ЎТКАЗИШ ТЎҒРИСИДАГИ НИЗОМ

I. Умумий қоидалар

1. “Йилнинг энг яхши тарбиячиси” касбий кўрик танлови (кейинги ўринда танлов) 3 йилдан кам бўлмаган меҳнат стажига эга бўлган Ўзбекистон Республикасидаги мактабгача таълим муассасалари тарбиячилари ўртасида ўтказилади.

2. Юқори малакали тарбиячиларни аниқлаш ва рағбатлантириш, уларнинг педагогик маҳорати ва ижодий қобилиятини ривожлантириш, илғор тажрибаларни кенг оммалаштириш, педагогик фаолиятнинг нуфузини янада ошириш, касбий фаолиятда соғлом рақобат ва ижодкорлик муҳитини яратиш танловни ўтказишнинг асосий мақсади ҳисобланади.

3. Кўрик танлов шиори “Касбий маҳорат, ижодкорлик, инновация”.

4. Танлов қуйидаги номинациялар бўйича ўтказилади:

а) “**Энг яхши методист тарбиячи**”, бунда мактабгача таълим жараёнидаги ўқитиш методикасига оид ишлар кўриб чиқилади;

б) “**Энг яхши ижодкор тарбиячи**”, бунда тарбиячининг мактабгача таълим тизимига оид киритган янгиликлари, яратган ижодий маҳсулотлари, видео роликлари, кўргазмалари ва дидактик материалларини таълим-тарбия жараёнига жорий этилиши бўйича эришган ютуқлари кўриб чиқилади;

в) “**Инновацион ва ахборот технологияларини қўллайдиган энг яхши тарбиячи**”, бунда ахборот-коммуникация ва инновацион технологияларини мактабгача таълим-тарбия жараёнидаги машғулотларга самарали қўллашга оид ишлари кўриб чиқилади.

5. “Йилнинг энг яхши тарбиячиси” танлови босқичма-босқич, ушбу Низомнинг иловасига мувофиқ схема асосида ўтказилади ва қуйидаги босқичлардан иборат бўлади:

а) танловнинг биринчи туман (шаҳар) босқичи;

б) танловнинг иккинчи Қорақалпоғистон Республикаси, Тошкент шаҳар ва вилоятлар босқичи;

в) танловнинг учинчи Республика босқичи.

6. Қуйидагилар танловни ўтказишнинг асосий вазифалари ҳисобланади:

а) биринчи туман (шаҳар) босқичида:

мактабгача таълим муассасаси томонидан тақдим этилган ҳужжатлар, методик, илмий, маънавий-маърифий материаллар ва ишланмаларни қабул қилиш ва таҳлил этиш;

танлов иштирокчилари томонидан тақдим этилган методик, илмий, маънавий - маърифий материаллар ва ишланмаларни баҳолаш;

танлов иштирокчилари томонидан тақдим этилган “Интернет – портфолио”ни ва тарбиячининг педагогик фаолиятини акс эттирувчи видеоролик тақдимотини баҳолаш;

ҳар бир номинация бўйича ғолибларни аниқлаш ва уларга танловнинг вилоят босқичида қатнашиши учун тавсияномалар бериш;

б) иккинчи вилоят босқичида :

туман (шаҳар) мактабгача таълим бўлимлари томонидан танлов иштирокчиларининг ҳужжатларини, методик, илмий, маънавий-маърифий материаллари ва ишланмаларини қабул қилиш ва таҳлил этиш;

“Болалар билан ўтказиладиган педагогик тадбир” ва “Касбий мулоқот” ток-шоу тадбирларини ўтказиш ва баҳолаш;

ҳар бир номинация бўйича ғолибларини аниқлаш ва уларга танловнинг Республика босқичида қатнашиши учун тавсияномалар бериш;

танлов ғолибларининг моддий ва маънавий рағбатлантирилишини ташкил қилиш;

в) учинчи Республика босқичида:

Худудий бошқармалар томонидан танловнинг вилоят босқичида ҳар бир номинация бўйича фақат биринчи ўринни эгаллаган тарбиячиларнинг Республика танловида иштирок этишлари учун тақдим этилган ҳужжатларини қабул қилиш ва уларни таҳлил қилиш;

танлов иштирокчилари томонидан тайёрланган “Педагогик концепция” тақдимотини ташкил этиш ва баҳолаш;

танлов иштирокчилари томонидан тайёрланган ўқув, илмий ва маънавий – маърифий ишлар ҳамда ишланмаларни баҳолаш;

ҳар бир номинация бўйича ғолибларни аниқлаш;

танлов ғолибларининг моддий ва маънавий рағбатлантирилишини ташкил қилиш;

танловнинг ўтиши ва оммавий ахборот воситаларида кенг ёритилишини ташкил қилиш:

7. Танлов ташкилотчиси Ўзбекистон Республикаси мактабгача таълим вазирлиги ҳисобланади.

II. Ташкилий кўмита фаолиятини ташкил этиш

8. Танловнинг Республика босқичини ўтказиш ташкилий кўмитаси (кейинги ўринларда Ташкилий кўмита деб аталади) таркиби Мактабгача таълим вазири томонидан тасдиқланади. Ташкилий кўмита таркибига Мактабгача таълим вазирлиги, мактабгача таълим муассасалари раҳбарлари ва мутахассисларини малакасини ошириш ва қайта тайёрлаш институти, мактабгача таълим муассасалари касаба уюшма кўмитаси ва бошқа ташкилотларнинг вакиллари киритилади.

9. Қуйидагилар ташкилий кўмитанинг асосий вазифалари ҳисобланади:
танловни ўтказиш муддатларини белгилаш;
танловни юқори савияда ташкил этиш ва ўтказиш;
танлов доирасида ўтказиладиган тадбирларни оммавий ахборот воситалари ҳамда вазирликнинг веб-сайтида ёритиб бориш.

10. Ташкилий кўмита, қоидага кўра, раис, раис ўринбосари, котиб ва аъзоларидан камида 11 кишидан иборат таркибда шакллантирилади.

11. Ташкилий кўмита раиси:
Ташкилий кўмита йиғилиш кун тартибини белгилайди ва уни ўтказиши;
Ташкилий кўмита қарорларини тасдиқлайди ва уларнинг бажарилишини назорат қилади.
Ташкилий кўмита аъзоларининг фаолиятини мувофиқлаштиради.

12. Ташкилий кўмита аъзолари қуйидаги ҳуқуқларга эга:
Ташкилий кўмита танлов натижалари ва бошқа кўриб чиқиладиган масалаларни муҳокама қилишда ва ҳал этишда қатнашиш;
Кўриб чиқиладиган масалалар бўйича таклифларини киритиш.

13. Ташкилий кўмита йиғилишини раис, у бўлмаганда эса-раис ўринбосари бошқаради.
Ташкилий кўмита йиғилиши аъзоларининг учдан икки қисми қатнашганда ваколатли ҳисобланади.

14. Ташкилий кўмита котиби:
Ташкилий кўмита йиғилишига барча зарур ҳужжатларнинг ўз вақтида тайёрланишини таъминлайди;
Ташкилий кўмита раиси томонидан йиғилишнинг ўтказиладиган жойи ва вақтини келишади;

Ташкилий қўмита котиби аъзоларни йиғилишнинг ўтказилиш санаси, жойи ва кун тартиби билан хабардор қилади;

Ташкилий қўмита йиғилишини кун тартибидаги масалалар бўйича ўтказилишини ташкил этади;

Ташкилий қўмита йиғилиши баёнларини расмийлаштиради ва тасдиқлайди.

III. Танловнинг биринчи - туман (шаҳар) босқичини ташкил этиш ва ўтказиш

15. Танловнинг биринчи-туман (шаҳар) босқичи ҳар йили 10 май - 20 май кунлари мобайнида ўтказилади.

16. Танлов комиссияси туман (шаҳар) мактабгача таълим бўлими юқори малакали методистлар ва мактабгача таълим муассасаси педагог ходимлари ва касаба уюшма қўмитаси вакилларидан иборат таркибда ташкил этилади.

17. Танловнинг туман (шаҳар) босқичи ғолиби тўғрисидаги қарор мактабгача таълим бўлими бошлиғи тасдиқлайдиган камида 7 кишидан иборат таркибдаги танлов комиссияси томонидан қабул қилинади.

18. Танлов комиссияси қуйидаги функцияларни бажаради:
Танловнинг биринчи туман (шаҳар) босқичини ташкил қилади;
танлов иштирокчиларининг ҳужжатлари ва материалларини қабул қилади;

мазкур Низомнинг 19-бандига мувофиқ танлов иштирокчиси тақдим этган ҳужжатлар тўпламини таҳлил қилади ва баҳолайди;

танловнинг вилоят босқичида иштирок этиш учун туман (шаҳар) босқичи ғолибларининг ҳужжатларини тайёрлайди ва тавсия қилади.

19. Танлов иштирокчиси танлов комиссиясига қуйидаги тартибда ҳужжатлар тўпламини тақдим этади:

танлов иштирокчисининг аризаси ва шахсий варақаси;

танлов иштирокчисининг педагогик ва жамоат ишларидаги фаолиятини ёритувчи мактабгача таълим муассасаси раҳбарининг тақдимномаси;

танлов иштирокчисининг аҳамиятли бўлган ўқув-услугий, илмий, маънавий маърифий ва ижодий ишларини акс эттирувчи материаллар;

турли танловларда фахрий ёрлиқлар ва дипломлар билан тақдирланганлиги тўғрисидаги маълумотлар (нусхалари илова қилинади);

халқаро ва республикада ўтказилган конференция ва семинарларда иштироки ҳақидаги маълумотлар;

халқаро лойиҳалар ва дастурлардаги иштироки тўғрисидаги маълумотлар ;

малака ошириш, қайта тайёрлаш курсларидан ҳамда стажировкадан ўтганлиги тўғрисидаги сертификат ва гувоҳномалар нусхалари;

танлов иштирокчисининг педагогик фаолияти бўйича «Интернет-портфолио» си;

танлов иштирокчисининг педагогик фаолиятини акс эттирувчи видео ролик;

ҳужжатлар тўпламига киритилган материаллар ва ахборотларда танлов иштирокчисининг сўнги 3 йилдаги фаолиятига доир маълумотлар бўлиши лозим.

20. Танловнинг биринчи-туман (шаҳар) босқичи қуйидаги 3 та турни ўз ичига олади:

а) танлов иштирокчисининг педагогик фаолияти бўйича «Интернет-портфолио» си.

«Интернет-портфолио»да танлов иштирокчисининг мактабгача таълим муассасининг интернет-сайтидаги саҳифасида “Илк қадам” мактабгача таълим давлат дастурини амалга оширувчи методик ёки бошқа муаллифлик ишлари, педагогик тажрибасини акс эттирувчи фото ва видео лавҳалар ҳамда материаллар қамраб олишниши лозим.

Интернет-ресурс манзили иштирокчининг шахсий варақасига киритилади. Рўйхатга фақат битта, ҳар қандай браузердан кириш мумкин бўлган интернет-манзил киритилиши керак.

«Интернет-портфолио» ни баҳолаш мезонлари:

Мазмуннинг баён қилиниши, материалларнинг аҳамиятлилиги, маълумотни тақдим қилиш маданияти- 25 баллгача.

Ресурслар сифати, қулайлиги ва мазмунига мослиги -25 баллгача.

Жами- 50 балл.

б) Танлов иштирокчисининг мактабгача таълим муассасасида педагогик фаолиятини, ижтимоий ҳаётдаги иштирокчини, шахсий ютуқларини ва машғулотларни акс эттирувчи видеоролик.

Видеоролик 5 дақиқадан ортиқ бўлмаслиги, кўп сонли замонавий рақамли қурилмаларида ижро этилиши, сифати 36РХдан кам бўлмаслиги лозим. Видеороликда иштирокчининг исми-шарифи ва ишлаётган мактабгача таълим муассасасини номи кўрсатилиши лозим.

Баҳолаш мезонлари:

Иштирокчини педагогик маҳорати ва ижодий қобилиятининг намоён қилиниши - 20 баллгача.

Янгилиги- 15 баллгача.

Ҳаққонийлиги - 15 баллгача.

Жами- 50 балл.

Видеоролик жанри иштирокчи томонидан танланади.

в) Танлов иштирокчисининг ўқув-услубий, илмий, маънавий-маърифий ишларни акс эттирувчи материаллари ва ижодий ишлари, фахрий ёрлиқлари ҳамда дипломлари, халқаро лойиҳалар ва дастурлардаги иштироки;

Танлов иштирокчисининг аҳамиятли бўлган ўқув-услубий, илмий ва маънавий маърифий материаллари ва ишланмалари - 20 баллгача;

турли танловларда олган фахрий ёрлиқлар ва дипломлар билан тақдирланганлиги - 10 баллгача;

халқаро лойиҳалар ва дастурлар, конференция ва семинарлардаги иштироки - 10 баллгача;

малака ошириш ва қайта тайёрлаш курсларидан, стажировкадан ўтганлик тўғрисидаги сертификат ва гувоҳномалар -10 баллгача;

Жами- 50 балл.

Ушбу босқич бўйича баҳолаш максимал 150 баллни ташкил қилади.

21.Туман (шаҳар) босқичи натижалари бўйича қайдномалар расмийлаштирилади.

22. Танлов иштирокчиси танлов комиссиясининг аъзоси бўлиши мумкин эмас.

23. Танлов комиссияси ўтказилган баҳолаш натижалари асосида ҳар йили 25 майга қадар ҳар бир номинация бўйича ғолибларни аниқлайди ва биринчи ўринларни эгаллаган ғолиблар номзодини танловнинг вилоят босқичида қатнашиш учун тавсия этади.

24. Танлов комиссиясининг қарори аъзоларининг оддий кўпчилик овози билан қабул қилинади. Овозлар тенг бўлганда танлов комиссияси раисининг овози ҳал қилувчи ҳисобланади.

25. Танлов комиссиясининг қарорлари икки нусхада баённома билан расмийлаштирилади, улар танловнинг йиғилишида иштирок этган барча аъзолари томонидан имзоланади.

26. Туман (шаҳар) босқичи танлов комиссиясининг масъул ходими

томонидан ҳар бир номинация бўйича биринчи ўринни эгаллаган ғолибларнинг ҳужжатларини (19- банд бўйича), шунингдек 3 та тур бўйича баҳолаш натижалари қайдномаси ва тавсияномани вилоят босқичи танлов комиссиясига 5 июнгача бўлган муддатда тақдим этади.

IV. Танловнинг вилоят босқичини ташкил этиш ва ўтказиш

27. Танловнинг вилоят босқичи ҳар йили 10 июн -20 июн кунлари мобайнида ўтказилади.

Танловнинг вилоят босқичини ўтказиш санаси ва жойи Қорақалпоғистон Республикаси мактабгача таълим вазирлиги, Тошкент шаҳар бош бошқармаси ва вилоятлар мактабгача таълим бошқармаларининг буйруғи билан белгиланади.

28. Танловнинг вилоят босқичи ғолиби тўғрисидаги қарор Қорақалпоғистон Республикаси мактабгача таълим вазири, вилоятлар мактабгача таълим бошқармаси бошлиғи, Тошкент шаҳар мактабгача таълим бош бошқармаси бошлиғи тасдиқлайдиган камида 7 кишидан иборат таркибдаги танлов комиссияси томонидан қабул қилинади.

29. Танлов комиссияси таркибига юқори малакали методистлар ва мактабгача таълим муассасаси педагог ходимлари, касаба уюшма қўмитаси ва бошқа ташкилотлар вакиллари киритилади.

30. Танлов комиссияси қуйидаги функцияларни бажаради:

Танловнинг вилоят босқичини ташкил қилади ва ўтказади;

туман (шаҳар) танлов комиссиясидан танлов иштирокчиларининг ҳужжатларини қабул қилади;

мазкур Низомнинг 19-бандига мувофиқ тақдим этилган ҳужжатлар тўпламини, шунингдек қайднома ва тавсияномани кўриб чиқади;

танловнинг Республика босқичида иштирок этиш учун вилоят босқичи ғолибларининг ҳужжатларини тайёрлайди ва тавсия қилади.

31. Вилоят босқичи қуйидаги 3 та турни ўз таркибига олади:

а) «Болалар билан ўтказиладиган педагогик тадбир».

Тадбирни ўтказиш учун болалар ёши ва гуруҳи танлов комиссияси томонидан қурра ташлаш йўли билан аниқланади. Танлов иштирокчилари тадбирни мактабгача таълим муассасасидаги машғулот жадвалига мувофиқ ўтказади.

Болалар билан ўтказиладиган педагогик тадбирда иштирокчи амалий тажрибасини кўрсатиши, инновацион таълим технологиялари ва интерфаол методларини қўллашини намоён этиши лозим.

Регламент: Болалар билан ишлаш вақти 20 дақиқагача;

ўзини -ўзи текшириш 5 дақиқагача;

танлов комиссияси томонидан берилган саволлар учун 10 дақиқагача.

Баҳолаш мезонлари:

Педагогик маҳорати (тарбиявий-таълим жараёнида қўйилган вазифаларни тўғри қўллаш қобилияти ва жараённинг бошқа иштирокчилари (педагоглар ва тарбияланувчилар) билан биргаликдаги фаолиятини тўғри ташкил қилиши- 10 баллгача;

методик тақдимоти (таълим шакли, мазмуни ва методларининг болалар ёшига мослиги) - 10 баллгача;

болаларни машғулотнинг фаолият тури ва мазмуни билан қизиқтира олиши, улардаги ташшабус ва мустақил фикрлашни қўллаб қувватлаш- 10 баллгача;

машғулотларда болалар фаолиятини ташкил қилиш ва ўзаро интеграллашган ёндашувни амалга ошириш -10 баллгача.

Жами - 50 балл.

б) Ток-шоу “Касбий мулоқат”.

Ҳар бир иштирокчига мактабгача таълим муассасидаги таълим жараёнида юзага келадиган муаммоли вазият бўйича топшириқ берилади. Берилган шарт бўйича иштирокчилар томонидан муаммоли вазиятларни келтириб чиқиш сабаблари аниқланади. Иштирокчилар муаммоли вазият ечимлари бўйича тавсияларини ишлаб чиқишади, берилган саволларга жавоб беришади. Баҳс мунозарада ўзларининг фикрларини эркин билдирадилар. Ток-шоу мавзуси ва бошловчи танлов комиссияси томонидан белгиланади ва тадбир ўтказилишидан аввал эълон қилинади.

Регламент: 10 -15 дақиқа

Баҳолаш мезонлари:

Мавзу бўйича ўз позициясига эга бўлиши -10 баллгача;

ҳар бир тақдимотнинг мазмундорлиги ва асосланиши- 10 баллгача;

муаммоли вазият ечимларининг оптималлиги ва аниқлиги -10 баллгача

касбий фаолият доирасидаги мулоқатни олиб бориш қобилияти -10 баллгача;

нутқининг равонлиги ва нотиклик маданияти- 10 баллгача;

Жами - 50 балл

в) Танлов иштирокчисининг ўқув-услугий, илмий, маънавий-маърифий ишларни акс эттирувчи материаллари ва ижодий ишлари, фахрий ёрлиқлари ҳамда дипломлари, халқаро лойиҳалар ва дастурлардаги иштироки:

Танлов иштирокчисининг аҳамиятли бўлган ўқув-услугий, илмий ва маънавий маърифий материаллари ва ижодий ишлари- 20 баллгача;

турли танловларда олган фахрий ёрликлар ва дипломлар билан тақдирланганлиги - 10 баллгача;

халқаро лойиҳалар ва дастурлар, конференция ва семинарлардаги иштироки - 10 баллгача;

малака ошириш ва қайта тайёрлаш курсларидан, стажировкадан ўтганлик тўғрисидаги сертификат ва гувоҳномалар -10 баллгача;

Жами- 50 балл.

Ушбу босқичда баҳолаш максимал 150 баллни ташкил қилади.

Вилоят босқичи натижалари бўйича қайдномалар расмийлаштирилади.

32. Танлов иштирокчиси танлов комиссиясининг аъзоси бўлиши мумкин эмас.

33. Танлов комиссияси ўтказилган баҳолаш натижалари асосида ҳар йили 30 июнгача ҳар бир номинация бўйича ғолибларни аниқлайди ва биринчи ўринларни эгаллаган ғолиблар номзодини танловнинг Республика босқичида қатнашиш учун тавсия этади.

34. Танлов комиссиясининг қарори аъзоларнинг оддий кўпчилик овози билан қабул қилинади. Овозлар тенг бўлганда танлов комиссияси раисининг овози ҳал қилувчи ҳисобланади.

35. Танлов комиссиясининг қарорлари икки нусхада баённома билан расмийлаштирилади, улар танловнинг йиғилишида иштирок этган барча аъзолари томонидан имзоланади.

36. Қорақалпоғистон Республикаси мактабгача таълим вазирлиги, вилоятлар мактабгача таълим бошқармалари, Тошкент шаҳар мактабгача таълим бош бошқармасининг йўлланма хати билан вилоят босқичида ҳар бир номинация бўйича биринчи ўринни эгаллаган ғолибларнинг ҳужжатлари (19 банд бўйича), 3 та тур бўйича баҳолаш натижалари қайдномаси ва тавсияномаларни Республика босқичи танлов комиссиясига 10 июлгача бўлган муддатда тақдим этилади.

V. Танловнинг республика босқичини ташкил этиш ва ўтказиш

37. Танловнинг республика босқичи ҳар йили 1 август- 25 август кунлари мобайнида ўтказилади.

38. Ҳар бир номинация бўйича танловнинг республика босқичи ғолибларини аниқлайдиган танлов комиссиясининг камида 11 нафардан иборат таркиби Ташкилий кўмита томонидан тасдиқланади.

39. Қорақалпоғистон Республикаси мактабгача таълим вазирлиги, вилоятлар мактабгача таълим бошқармалари, Тошкент шаҳар мактабгача таълим бош бошқармаси томонидан ҳар бир номинация бўйича вилоят босқичида биринчи ўринни эгаллаган ғолибларнинг ҳужжатларига қўшимча қуйидаги материаллар илова қилинган ҳолда тақдим этилади:

Танлов иштирокчисининг асосий касбий ютуқларининг тавсифидан иборат резюмеси;

иштирокчининг педагогик концепцияси (5-7 бет ҳажмда).

40. Барча материаллар қоғозда ва электрон шаклда тақдим этилади ва қайтариб берилмайди.

41. Ҳар бир номинация бўйича иштирокчиларнинг ҳужжатлари ва материаллари Республика танлов комиссияси томонидан 1 июлдан 20 июлгача бўлган муддатда кўриб чиқилади.

42. Танловнинг республика босқичи 2 та турни ўз ичига олади.

а) Республика босқичига тақдим этилган ишларни баҳолаш.

Баҳолаш мезонлари:

танлов иштирокчисининг аҳамиятли бўлган ўқув-услугий, илмий ва маънавий маърифий материаллари ёки ижодий ишлари- 10 баллгача;

турли танловларда олган фахрий ёрликлар ва дипломлар билан тақдирланганлиги - 5 баллгача;

ҳалқаро лойиҳалар ва дастурлар, конференция ва семинарлардаги иштироки - 10 баллгача;

малака ошириш ва қайта тайёрлаш курсларидан, стажировкадан ўтганлик тўғрисидаги сертификат ва гувоҳномалар -5 баллгача;

танлов иштирокчисининг «Интернет-портфолио» си -10 баллгача;

танлов иштирокчисининг педагогик фаолиятини акс эттирувчи видео ролик - 10 баллгача;

вилоят босқичида болалар билан ўтказилган тадбир бўйича олинган натижалари- 10 баллгача (вилоят тадбирида 50 баллик тизимдаги баҳолаш натижалари 10 баллик тизим қуйидаги тартибда ўтказилади $\frac{\text{олган бали} \cdot 10}{50}$).

вилоят босқичида “Касбий мулоқот” ток-шоу тадбири натижалари- 10 баллгача (вилоят тадбирида 50 баллик тизимдаги баҳолаш натижалари 10 баллик тизимга қуйидаги тартибда ўтказилади $\frac{\text{олган бали} \cdot 10}{50}$).

Жами-70 балл.

б) танлов дастури доирасида иштирокчи ўзининг педагогик концепцияси бўйича тақдимотини намойиш этади. Мазкур жараёнда унга педагогик маҳоратини, касбий салоҳиятини, ижодий имкониятлари ва қизиқишларини намоеън этиш имкони берилади.

Жами- 30 балл.

Республика босқичида баҳолаш максимал 100 баллни ташкил қилади.

Танлов комиссияси томонидан ҳар бир номинация бўйича Республика босқичи натижалари бўйича қайдномалар расмийлаштирилади.

43. Танлов комиссияси ўтказилган баҳолаш натижалари асосида ҳар йили 30 августга қадар ҳар бир номинация бўйича ғолибларни аниқлайди. Танлов комиссиялари томонидан баённома расмийлаштирилади ва Ташкилий қўмита раиси томонидан тасдиқланади.

44. Ҳар бир номинация бўйича энг юқори балл тўплаган биринчи, иккинчи ва учинчи ўринларни эгаллаган иштирокчилар танловнинг республика босқичи ғолиблари ҳисобланадилар.

45. Танлов натижалари оммавий ахборот воситаларида ва вазирликнинг расмий веб сайтыда ёритилади.

VI. Ғолибларни аниқлаш ва мукофотлаш

46. Ҳар бир номинация бўйича танловнинг Республика босқичида биринчи, иккинчи ва учинчи ўринларни эгаллаган иштирокчилар танлов ғолиби деб топилади. Икки ва ундан ортиқ иштирокчининг баллари тенг бўлиб қолганда ғолиб танлов комиссияси аъзоларининг яширин овоз бериш йўли билан аниқланади. Ҳар бир танлов комиссияси аъзоси битта овозга эга. Овозлар сони тенг бўлганда танлов комиссияси раисининг овози ҳал қилувчи ҳисобланади. Танлов комиссияси қарори баённома билан расмийлаштирилиб, мактабгача таълим вазирининг буйруғи билан тасдиқланади.

47. Танловнинг Республика босқичи ғолибларини эълон қилиш ва тақдирлаш ҳар йили сентябр ойида ўтказилади.

48. Ҳар-бир номинация бўйича биринчи, иккинчи ва учинчи ўринни эгаллаган танловнинг Республика босқичи ғолиблари фахрий дипломлар билан мукофатланадилар ва улар 1-ўрин учун энг кам ойлик иш ҳақининг 50 бараваригача, 2-ўрин учун энг кам ойлик иш ҳақининг 30 бараваригача, 3-ўрин учун энг кам ойлик иш ҳақининг 20 бараваригача миқдорда моддий рағбатлантириладилар.

49. Республика босқичининг барча иштирокчилари Ўзбекистон Республикаси мактабгача таълим вазирлигининг мақтов ёрлиғи ва совғалари билан тақдирланадилар.

50. Танловнинг Республика босқичида ҳар бир номинация бўйича биринчи, иккинчи ва учинчи ўринларни эгаллаган ўрта махсус, касб-ҳунар маълумотиغا эга бўлган ғолиблар Ўзбекистон Республикаси олий таълим муассасаларининг “Мақтабгача таълим” йўналишига ўқишга киришда (Ўзбекистон Республикаси Вазирлар Маҳкамасининг 2017 йил 20 июндаги “Олий таълим муассасаларига ўқишга қабул қилиш, талабалар ўқишини кўчириш, қайта тиклаш ва ўқишдан четлаштириш тартиби тўғрисидаги низомларни тасдиқлаш ҳақида”ги 393-сонли қарорининг 23-бандида Ўзбекистон Республикаси Халқ таълими вазирлиги, Соғлиқни сақлаш вазирлиги, Маданият вазирлиги, Жисмоний тарбия ва спорт вазирлиги ҳамда тегишли вазирликлар, идоралар томонидан ҳар йили ўтказиладиган педагогика ўрта махсус, касб-ҳунар таълим муассасалари битирувчилари ва таълим муассасалари тарбияланувчиларининг «Тарбиячи» республика танлови ғолиби..... вазирликлар, идоралар ва жамғармалар тақдимномаларига мувофиқ Давлат комиссиясининг қарори билан тегишли олий таълим муассасаларига, мос таълим йўналишларига танловдан ташқари тест синовларисиз ва касбий (ижодий) имтиҳонларсиз давлат грантлари асосида қабул қилиши белгиланган) имтиёзга эга бўлади.

51. Ўзбекистон Республикаси мактабгача таълим вазирлигида танлов ғолиблари тўғрисидаги маълумотлар базаси шакллантирилади

VII. Танловни молиялаштириш

52. Танловнинг ҳудудий босқичларини ўтказиш ва рағбатлантиришни молиялаштириш Қорақалпоғистон Республикаси мактабгача таълим вазирлиги, вилоятлар мактабгача таълим бошқармалари, Тошкент шаҳар мактабгача таълим бош бошқармаси бюджет маблағлари ҳисобидан, Республика босқичини молиялаштириш эса Ўзбекистон Республикаси Мактабгача таълим вазирлиги бюджет маблағлари ҳисобидан амалга оширилади.

“Йилнинг энг яхши тарбиячиси” танловинини ўтказиш схемаси

Босчиқлар	Тадбирлар	Сана	Танловда иштирок этиш учун талаб қилинадиган ҳужжатлар	
<p>Биринчи босқич</p>	<p>Туман (шаҳар) босқичи</p>	<p>1. Танловда иштирок этиш учун ҳужжатлар қабул қилиш 2. Танловни ўтказиш 3. Танловнинг туман (шаҳар) босқичида ҳар бир номинация бўйича ғолибларни аниқлаш ва танловнинг вилоят босқичида иштирок этиш учун тавсия бериш.</p>	<p>1.25.04-05.05 2.10.05-20.05 3. 21.05-25.05</p>	<ul style="list-style-type: none"> - Танлов иштирокчисининг аризаси ва шахсий варақаси; - танлов иштирокчисининг педагогик ва жамоат ишларидаги фаолиятини ёритувчи мактабгача таълим муассасаси раҳбарининг тақдимномаси; - танлов иштирокчисининг аҳамиятли бўлган ўқув-услугий, илмий, маънавий маърифий ва ижодий ишларини акс эттирувчи материаллар; - турли танловларда фахрий ёрликлар ва дипломлар билан тақдирланганлиги тўғрисидаги маълумотлар (нусхалари илова қилинади); - халқаро ва республикада ўтказилган конференция ва семинарларда иштироки ҳақидаги маълумотлар; - халқаро лойиҳалар ва дастурлардаги иштироки тўғрисидаги маълумотлар ; - малака ошириш, қайта тайёрлаш курсларидан ҳамда стажировкадан ўтганлик тўғрисидаги сертификат ва гувоҳномалар нусхалари; - танлов иштирокчисининг педагогик фаолияти бўйича «Интернет-портфолио» си; - танлов иштирокчисининг педагогик фаолиятини акс эттирувчи видео ролик; <p>Изоҳ:</p> <p><i>Ҳужжатлар тўпламига киритилган материаллар ва ахборотларда танлов иштирокчисининг сўнги 3 йилдаги фаолиятига доир маълумотлар бўлиши лозим.</i></p> <p><i>Ушбу ҳужжат тўплами иштирокчилар томонидан туман босқичи танлов комиссиясига тақдим этилади.</i></p>

Босчиқлар	Тадбирлар	Сана	Танловда иштирок этиш учун талаб қилинадиган ҳужжат
<p>Иккинчи босқич</p>	<p>Вилоят босқичи</p>	<p>1. Танловнинг ҳар бир номинациясида биринчи ўрнини эгаллаган туман(шаҳар) босқичи ғолибларининг ҳужжатларини қабул қилиш. 2. Танлов иштирокчисининг ҳужжатларини кўриб чиқиш. 3. Вилоят босқичини ўтказиш 4. Танловнинг вилоят босқичида ҳар бир номинацияси бўйича ғолибларни аниқлаш ва танловнинг республика босқичида иштирок этиш учун тавиялар бериш.</p>	<p>1. 26.05-05.06</p> <p>2. 06.06-10.06</p> <p>3. 10.06-20.06</p> <p>4. 26.06-30.06</p> <ul style="list-style-type: none"> - Танловнинг туман (шаҳар) босқичида ҳар бир номинацияси бўйича ғолибларига вилоят босқичида иштирок этиш учун тавсиянома; - танлов иштирокчисининг аҳамиятли бўлган ўқув-услугий, илмий, маънавий маърифий ва ижодий ишларини акс эттирувчи материаллар; - турли танловларда фахрий ёрликлар ва дипломлар билан тақдирланганлиги тўғрисидаги маълумотлар (нусхалари илова қилинади); - халқаро ва республикада ўтказилган конференция ва семинарларда иштироки ҳақидаги маълумотлар; - халқаро лойиҳалар ва дастурлардаги иштироки тўғрисидаги маълумотлар ; - малака ошириш, қайта тайёрлаш курсларидан ҳамда стажировкадан ўтганлик тўғрисидаги сертификат ва гувоҳномалар нусхалари; - танлов иштирокчисининг педагогик фаолияти бўйича «Интернет-портфолио» си; - танлов иштирокчисининг педагогик фаолиятини акс эттирувчи видео ролик; - танловнинг туман (шаҳар) босқичини баҳолаш натижаларининг қайдномаси. <p>Изоҳ: <i>Ушбу ҳужжатлар тўплами туман босқичининг танлов комиссияси вакили томонидан вилоят босқичининг танлов комиссиясига тақдим этилади.</i></p>

Босчиқлар

Тадбирлар

Сана

Танловда иштирок этиш учун талаб қилинадиган ҳужжатлар

Босчиқлар	Тадбирлар	Сана	Танловда иштирок этиш учун талаб қилинадиган ҳужжатлар
<p>Учинчи босқиш</p>	<p>Республика босқиши</p>	<ol style="list-style-type: none"> 1. Танловнинг ҳар бир номинацияси бўйича биринчи ўрнини эгаллаган вилоят босқиши ғолибларининг ҳужжатларини қабул қилиш. 2. Танлов иштирокчини ҳужжатларини кўриб чиқиш. 3. Республика танлов босқичини ўтказиш. 4. Танловнинг республика босқичининг ҳар бир номинациясида ғолибларни аниқлаш. 5. Ғолибларни тақдирлаш маросимини ўтказиш. 	<ol style="list-style-type: none"> 1. 1.07-10.07 2. 11.07-25.07 3. 1.08-25.08 4. 25.08-30.08 5. Сентябрь ойи <p>- Танловнинг туман (шаҳар) босқишида ҳар бир номинацияси бўйича ғолибларига вилоят босқишида иштирок этиш учун тавсиянома; -танлов иштирокчисининг резюмеси; -“Педагогик концепция” (5-7 саҳифа); - танлов иштирокчисининг аҳамиятли бўлган ўқув-услубий, илмий, маънавий маърифий ва ижодий ишларини акс эттирувчи материаллар; - турли танловларда фахрий ёрликлар ва дипломлар билан тақдирланганлиги тўғрисидаги маълумотлар (нусхалари илова қилинади); - халқаро ва республикада ўтказилган конференция ва семинарларда иштироки ҳақидаги маълумотлар; - халқаро лойиҳалар ва дастурлардаги иштироки тўғрисидаги маълумотлар ; - малака ошириш, қайта тайёрлаш курсларидан ҳамда стажировкадан ўтганлик тўғрисидаги сертификат ва гувоҳномалар нусхалари; - танлов иштирокчисининг педагогик фаолияти бўйича «Интернет-портфолио» си; -танлов иштирокчисининг педагогик фаолиятини акс эттирувчи видео ролик - танловнинг вилоят босқичини баҳолаш натижаларининг қайдномаси.</p> <p>Изоҳ: Ушбу ҳужжатлар тўплами вилоят босқичининг танлов комиссияси вакили томонидан Республика босқичининг танлов комиссиясига тақдим этилади</p>

**«Йилнинг энг яхши тарбиячиси» касбий кўрик танловини ўтказиш
бўйича ташкилий кўмита таркиби**

- А.Шин - Мактабгача таълим вазири, ташкилий кўмита раиси
- С.Турғунов - Мактабгача таълим вазирининг биринчи ўринбосари, ташкилий кўмита раиси ўринбосари
- С.Ашурова - Педагогик кадрлар сифатини ошириш бошқармаси бош мутахассиси, ташкилий кўмита котиби
- М.Юлдашев - Мактабгача таълим вазирининг ўринбосари, аъзо
- Ш.Маматқулов - Мактабгача таълим вазирининг ўринбосари, аъзо
- К.Эшпулатов - Мактабгача таълим муассасалари раҳбар ва мутахассисларини қайта тайёрлаш ва уларнинг малакасини ошириш институти ректори, аъзо
- Е.Тен - Мактабгача таълим муассасалари фаолиятини ташкил этиш ва стратегик ривожлантириш бош бошқармаси бошлиғи, аъзо
- Қ.Олимов - Педагогик кадрлар сифатини ошириш бошқармаси бошлиғи, аъзо
- А.Юсупов - Кадрлар бошқармаси бошлиғи, аъзо
- Д.Махмудова - Ўқув-методик мажмуаларни яратиш мувофиқлаштириш ва методик хизматни ташкил этиш бошқармаси бошлиғи, аъзо
- Н.Ким - Таълим жараёни сифатини таъминлаш ва маънавий-ахлоқий тарбия бошқармаси бошлиғи, аъзо
- Р.Зулфиқоров - Бухгалтерия ҳисоби ва ҳисоботи бошқармаси бошлиғи, аъзо
- Д.Ахмедова - Матбуот хизмати бошлиғи, аъзо
- Ҳ.Ризаева - Тошкент шаҳар Юнусобод тумани 366-МТМ мудираси, аъзо
- Ш.Тешабоева - Мактабгача таълим вазирлиги касаба уюшма кўмитаси раиси, аъзо